

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-11270/20
Sarajevo, 20.8.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na uređenju sadržaja na lokalitetu brda Žuč

I

Prihvata se preporuka Komisije za javnu nabavku radova i okvirni sporazum za javnu nabavku u predmetu – Izvođenje radova na uređenju sadržaja na lokalitetu brda Žuč, broj obavještenja 422-1-3-159-3-90/20, objavljeno na Portalu javnih nabavki dana 30.6.2020. godine i “Službenom glasniku BiH- Oglasnik javne nabavke”, br. 39/20, dodjeljuje se ponuđaču „Sela“ d.o.o. Sarajevo, sa ponuđenom cijenom za okvirni sporazum u iznosu od 199.000,00 KM bez PDV-a, odnosno 232.830,00 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajnji rok za predaju ponuda.

Obrazloženje

Odlukom broj 02/12-19-11270/20 od 29.6.2020. godine Općina Novi Grad Sarajevo pokrenula je otvoreni postupak javne nabavke - Izvođenje radova na uređenju sadržaja na lokalitetu brda Žuč, broj obavještenja 422-1-3-159-3-90/20, objavljeno na Portalu javnih nabavki dana 30.6.2020. godine i “Službenom glasniku BiH- Oglasnik javne nabavke”, br. 39/20.

Na tendersku dokumentaciju je uložena žalba ponuđača “D&SS” d.o.o. Mostar, zastupan po punomoćniku Rafaela Ljubović - Đurić, advokatu iz Gradiške. Rješenjem ugovornog organa broj 02/12-19-11270/20-R od 10.7.2020. godine usvojena je predmetna žalba, te izvršena ispravka tenderske dokumentacije na Portalu javnih nabavki, a o čemu su učesnici postupka obaviješteni u skladu sa Zakonom o javnim nabavkama. Shodno tome postupilo se u skladu sa članom 39. stav (3) Zakona.

Zapisnikom o otvaranju ponuda od 30.7.2020. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača: 1. „Džekos“ d.o.o. Sarajevo, 2. konzorcij „Manjo“ d.o.o. Sarajevo i „Bosman“ d.o.o. Sarajevo i 3. „Sela“ d.o.o. Sarajevo. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku, te utvrdila da iste ispunjavaju formalno-pravne i kvalifikacione uslove tražene u tenderskoj dokumentaciji. Izvršena je računaska kontrola ponuda i konstatovano je da nije bilo računske greške.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Džekos“ d.o.o. Sarajevo sa ponuđenom cijenom za okvirni sporazum u iznosu od 268.630,30 KM bez PDV-a, 2. „Sela“ d.o.o. Sarajevo sa ponuđenom cijenom za okvirni sporazum u iznosu od 269.412,47 KM bez PDV-a i 3. konzorcij „Manjo“ d.o.o. Sarajevo i „Bosman“ d.o.o. Sarajevo sa ponuđenom cijenom za okvirni sporazum u iznosu od 297.807,72 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 12.8.2020. godine sa početkom u 15:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-159/20 od 13.8.2020. godine, Komisija je utvrdila da su ponuđači podnosili nove cijene, te da konačna rang lista ponuđača izgleda kako slijedi:

1. „Sela“ d.o.o. Sarajevo sa ponuđenom cijenom za okvirni sporazum u iznosu od 199.000,00 KM bez PDV-a,
2. „Džekos“ d.o.o. Sarajevo sa ponuđenom cijenom za okvirni sporazum u iznosu od 199.700,00 KM bez PDV-a i
3. konzorcij „Manjo“ d.o.o. Sarajevo i „Bosman“ d.o.o. Sarajevo sa ponuđenom cijenom za okvirni sporazum u iznosu od 231.231,00 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije za prvorangiranu ponudu, tako da ponuđena cijena za okvirni sporazum ponuđača „Sela“ d.o.o. Sarajevo iznosi 199.000,00 KM bez PDV-a, odnosno 232.830,00 KM sa PDV-om, o čemu je ponuđač dostavio saglasnost od 18.8.2020. godine. Komisija je shodno naprijed navedenom dala preporuku za zaključenje okvirnog sporazuma sa prvorangiranim ponuđačem nakon provedene e-aukcije.

Imajući u vidu da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

